



## **Polyanthea Sacra**

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

**Spanner, Andreas**

**Augustae Vindelicorum, 1702**

§. 2. Humanitas auget, non minuit reverentiam.

---

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

## §. II.

*Humanitas auget, non minuit, reverentiam.*

*At ille clementer resalutatis eis. Gen. 43. 27. Adoraverunt prout in terram. Non adorarunt ob convivium splendidum.*

*Sum princeps exercitus Domini, & nunc venio. Jos. 5. 14. scilicet, ut Lyra ait, in adiutorium vestrum. Quid tunc Josue? cecidit pronus in terram, & adorans ait &c. Angelus Josue urbanè alloquitur; utque illum honoraret, sub ipso quodammodo mereri exambit; & ideo reverenter, ut Dominus, adoratur: quid Dominus meus loquitur ad servum suum? Naxera in Jos. 5. §. 20. Urbanitas est amoris, & honoris usura.*

## §. III.

*Humanitas Dei, & Christi Domini.*

*Ex Veteri.*

*Abfcondit se Asam à facie Domini. Gen. 3. 8. Fugit, & timuit Deum inclamantem.*

Nunc autem legimus Luc. 15. 1. *erant appropinquantes ei publicani, & peccatores. Rationem dat Paulus Philipp. 2. 7. venit in similitudinem carnis peccati factus, & habitum inventus ut homo. Fernandus hic. Sect. 23.*

*Cavete, nè ascendatis in montem. Ex. 19. 12. Sed Christus ait Marth. 11. 28. venire ad me omnes.*

*Loquebatur - facie ad faciem, sicut soles loqui homo ad amicum suum. Ex. 33. 11.*

*Convenerunt ad eum omnes, qui erant in angustia constituti, & oppressi àre alienò, & amarò animò; & factus est eorum princeps. 1. Reg. 22. 2. de Davide.*

Non sunt tantò quidam magis impij, quantò est benignior DEUS, ac humanior. Clemens Alexand. orat. adhort. ad Græcos.

## TITULUS VII.

## HUMILITAS.

## §. I.

*Symbola, Similitudines.*

Num. I.

*Comparatur nigredini.*

**N***igra sum, sed formosa. Cant. 1. 4. quia immunda putabatur, quia decoloravit me sol, scilicet Filius meus exemplò suo fuscum hunc mihi colorem indidit. Nam & ipse, cum sit agnus innocens, voluit circumcidi, ac si peccator esset: quomodo ergo me non purificarem, etsi purificationis legi non subjacerem de Ponte hic, Exh. 23. de Purif. B. V.*

*Nigra quasi corvum. Cant. 5. 11. Capilli Christi sunt viri sancti, præsertim Religiosi, & Apostolici. Hi nigri sunt, ut corvus; qui viles, & peccatores, se reputant; ideoq; magis à Deo exaltantur. Ità Beda, Nyssen., Cassiodorus, S. Gregorius, Richard à S. Victore. Viri sancti, velut capiti Christi cohærentes, non tantum sunt velut elatæ palmarum sanctitate sublimes; sed etiam humilitate nigri: quia, quamvis virtutibus in cælum se erigant; semper tamen peccatores se esse cognoscunt. S. Greg. hic.*

*Capilli animæ sunt variæ cogitationes. Persona existens in gratia habebat capillos nigros, id est, cogitationes humiles, cogitando proprios defectus, quos peccator non cognoscit. S. Vinc. Ferr. l. 3. D. 19. post Trinit.*

*Nigrescere faciam stellæ ejus. Ezech. 32. 7. hoc est, ut ait S. Thomas, justos omnes, qui in Ecclesiæ firmamento sunt; quod in cælo stellæ, videlicet ardentes spiritu charitatis, lucentes verbò Veritatis, nigrescentes virtute humilitatis.*

## Num. II.

*Alia Symbola*

*Ex Veteri.*

*Vidit Angelos ascendentes, & descendentes per eam. Gen. 28. 12. Non est confusus, se ad formam servi exinanire; ut, qui de fraternitate ejus gloriantur, & volunt ascendere; sed eidem scalæ cum Jacob innitantur; & cantantes canticum gradum ab imis ad superiora conscendant. S. Cyprianus de Nativ. D. Per Angelos designantur Sancti, quorum est ascendere ad Deum, & descendere ad proximum. Ascensus Angelici sunt illuminationes, & meditationes, ascendentes in cælum: descensus verò sunt considerationes peccatorum & miseriarum, omniumq; defectuum, nostrorum, & condescensivæ compassionis ad proximum. Sanct. Thomas Aq. hic.*

*Apparuit q; Dominus, in flamma ignis. Ex. 3. 2. Cur in igne Dominus? Educturus ex Egypto filios Israel, Moysen ablegat; ideoque ex igne cum docere voluit, qualis esse debeat populorum, & animarum liberator. Ignis enim, cum elementorum primas sit, & in cælo regni sui sedem habeat; ut Deo tamen obsequatur, non recusat infra omnes esse, & in inferno concludi ad impiorum poenam, factus ex supremo postremus. Quique in cælo blanditur, non urit; in gehenna nocentes immanissimè torquet. Qui animarum curæ destinatur; licet excelsa teneat, infima non declinet; Oliva l. 9. Strom. hic. Et licet mitissimus sit, cum stellis circumdatur; furere debet, & savire, quando per duellibus immiscetur.*